

ხელშეკრულება N 7

სახელმწიფო შესყიდვების შესახებ
(ელექტრონული ტენდერი SPA 160027431)

ქ. თბილისი

„15“  2016 წელი

ჩვენ, ქვემოთ ხელის მომწერნი, ერთის მხრივ, საქართველოს ფინანსთა სამინისტროს საგამოძიებო სამსახურის (შემდგომში შემსყიდველი), წარმოდგენილი უფროსის მოადგილის მიხეილ ახვლედიანის სახით და მეორეს მხრივ, სს „პსპ დაზღვევა“ (შემდგომში მიმწოდებელი), წარმოდგენილი მისი დირექტორის ვლადიმერ ბეჟაშვილის სახით, ვხელმძღვანელობთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელიც ახორციელებს მომსახურების მიწოდებას ამ ხელშეკრულების ფარგლებში.
- 1.6 „მომსახურება“ – წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7 მოსარგებლე – დაზღვეული ან მისი მემკვიდრე (მხოლოდ სიცოცხლის დაზღვევის შემთხვევაში) რომელიც საქართველოში მოქმედი კანონმდებლობის შესაბამისად, უფლებამოსილია მიიღოს სადაზღვევო ანაზღაურება;
- 1.8 სადაზღვევო მოწმობა/პოლისი – წინამდებარე ხელშეკრულების და დანართების შესაბამისად, მზღვეველის/მიმწოდებლის მიერ, დაზღვეულის სახელზე გაცემული დაზღვევის დამადასტურებელი დოკუმენტი, რომელსაც ფლობს დაზღვეული მის სასარგებლოდ ამ ხელშეკრულების საფუძველზე განხორციელებული დაზღვევის დასტურად;
- 1.9 სამედიცინო დაწესებულება – სამედიცინო საქმიანობის განმახორციელებელი დაწესებულება, რომელსაც მინიჭებული აქვს სამედიცინო საქმიანობის განხორციელების უფლება, საქართველოს მოქმედი კანონმდებლობის მოთხოვნათა შესაბამისად;
- 1.10 სადაზღვევო შემთხვევა – წინამდებარე ხელშეკრულებით და მისი დანართებით განსაზღვრული შემთხვევები, რომელთა დადგომისას წარმოიშვება მზღვეველის/მიმწოდებლის ვალდებულება, გასცეს სადაზღვევო ანაზღაურება წინამდებარე ხელშეკრულების პირობების შესაბამისად;
- 1.11 ტერიტორიული ლიმიტი – საქართველოს ტერიტორია (გარდა ოკუპირებული რეგიონებისა) თუ კი დაზღვეულზე გაცემული არ არის სამოგზაურო დაზღვევის მოწმობა/პოლისი.
- 1.12 სადაზღვევო ანაზღაურება – ფულადი თანხა ან სამედიცინო მომსახურების ხარჯები, რომელსაც მზღვეველი/მიმწოდებელი უნაზღაურებს დაზღვეულს/მოსარგებლეს სადაზღვევო შემთხვევის დადგომისას წინამდებარე ხელშეკრულებით და მისი დანართებით გათვალისწინებული წესითა და ოდენობით;
- 1.13 თანაგადახდა (სამედიცინო თვალსაზრისით) – სამედიცინო მომსახურების ღირებულების ნაწილი, რომელსაც იხდის დაზღვეული მისი სადაზღვევო პოლისით გათვალისწინებული პირობების შესაბამისად.
- 1.14 გარდაცვალება (ლეტალური შედეგი) – ადამიანის ტვინის ფუნქციონირების შეუქცევადი შეწყვეტა, რაც წარმოშობს მზღვეველის/მიმწოდებლის მხრიდან სადაზღვევო ანაზღაურების გაცემის ვალდებულებას.

1.15 უბედური შემთხვევა – უეცარი, მოულოდნელი მოვლენა, რომელიც მოხდა დაზღვეულის ნებისგან დამოუკიდებლად, გარეშე ძალის ზემოქმედების შედეგად და გამოიწვია დაზღვეულის სხეულის დაზიანება ან/და შრომისუნარობა ან გარდაცვალება.

2. ხელშეკრულების საგანი

2.1 სამედიცინო სადაზღვევო ჯანმრთელობის უბედური შემთხვევის და სიცოცხლის სადაზღვევო მომსახურების (CPV – 66500000, 66511000; 66512000; 66512100; 66512200; 66512220) (შემდგომში - შესყიდვის ობიექტი) შესყიდვა ელექტრონული ტენდერის საშუალებით.

2.2 მომსახურების შესყიდვა გულისხმობს საქართველოს ფინანსთა სამინისტროს საგამოძიებო სამსახურის თანამშრომელთა და მათი ოჯახის წევრთა (მეუღლე და 0-20 წლის შვილ(ებ), გერ(ებ)ი სამედიცინო სადაზღვევო მომსახურების შესყიდვას ამ ხელშეკრულების პირობებისა და დანართი №2-ის შესაბამისად, რომელიც წარმოადგენს ხელშეკრულების განუყოფელ ნაწილს.

2.3 წინამდებარე ხელშეკრულებას ერთიანობაში ქმნის და დანართის სახით თან ერთვის:

ა) დაზღვეული პირების სია (დანართი №1)

- თანამშრომლის შემთხვევაში:
 - დაზღვეულის სახელი, გვარი;
 - პირადი ნომერი;
 - დაბადების თარიღი;
 - პირადობის მოწმობის ნომერი;
 - ინფორმაცია პოლიტიკურად აქტიურად პირებზე; (მოქალაქეობა)
 - რეგისტრაციის რაიონი/ფაქტობრივი მისამართი;
 - სადაზღვევო პოლისის და მისი ტიპი;
- ოჯახის წევრის შემთხვევაში :
 - სახელი, გვარი;
 - პირადი ნომერი;
 - დაბადების თარიღი;
 - პირადობის მოწმობის ნომერი;
 - ინფორმაცია პოლიტიკურად აქტიურად პირებზე; (მოქალაქეობა)
 - სტატუსი დაზღვეულ თანამშრომელთან მიმართებაში;

ბ) დაზღვევის პირობები (დანართი №2)

გ) ფასების ცხრილი (დანართი №3)

დ) ხელშეკრულების უზრუნველყოფის გარანტია (დანართი №4)

3. შესყიდვის ობიექტის ღირებულება

3.1 შესყიდვის ობიექტის ღირებულება განისაზღვრება ყოველთვიური სადაზღვევო პრემიით, რომლის ოდენობა ერთ თანამშრომელზე და მისი ოჯახის წევრზე (წევრებზე) თვის განმავლობაში შეადგენს 104 (ასოთხი) ლარს. ყოველწლიური 1248 (ათასორას ორმოცდარვა) ლარს.

3.2 ხელშეკრულების საერთო ღირებულება 610 თანამშრომლის სამედიცინო დაზღვევისათვის შეადგენს 761 280 (შვიდას სამოცდაერთი ათას ორასოთხმოცი) ლარს.

3.3 სამემოსავლო გადასახადის გადახდას უზრუნველყოფს შემსყიდველი.

3.4 ხელშეკრულების ღირებულება მოიცავს, როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

3.5 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

3.6 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. შესყიდვის ობიექტის მიწოდების ვადები და ადგილი

4.1 მომსახურების გაწევა წარმოებს 2017 წლის 1 იანვრის 00:00 საათიდან 2017 წლის 31 დეკემბრის 24:00 საათის ჩათვლით.

4.2 მომსახურების გაწევა უნდა განხორციელდეს საქართველოში მოქმედი ლიცენზირებული სამედიცინო დაწესებულებების მიერ დაზღვეულის სურვილისამებრ.

5. მხარეთა უფლება-მოვალეობანი

5.1. შემსყიდველი ვალდებულია:

- აუნაზღაუროს მიმწოდებელს შესყიდვის ობიექტის ღირებულება ხელშეკრულების მე-8 მუხლით გათვალისწინებული პირობების შესაბამისად.

- წერილობითი შეტყობინების საფუძველზე მოსთხოვოს შემსრულებელს კონკრეტული პირის დაზღვევა ან სადაზღვევო მომსახურების გაუქმება.

- წარუდგინოს მიმწოდებელს დასაზღვევ პირთა სრული ჩამონათვალი (მათ შორის ოჯახის წევრების) დაბადების თარიღისა და პირადი ნომრის მითითებით.

5.2 მიმწოდებელი ვალდებულია:

- შემსყიდველს გაუწიოს შესაბამისი მომსახურება ერთიან ელექტრონულ სისტემაში ატვირთული შემსყიდველის სატენდერო დოკუმენტაციის და მიმწოდებლის მიერ ატვირთული სატენდერო წინადადების, ტექნიკური დოკუმენტაციის და ხელშეკრულების მე-2 მუხლის 2.3. პუნქტის „ბ“ ქვეპუნქტის შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილებს;

- შემსყიდველის წერილობითი მოთხოვნის საფუძველზე მოახდინოს პირის დაზღვევა ან მისი გაუქმება.

- შემსყიდველის მიერ წერილობითი შეტყობინების გაგზავნიდან არაუგვიანეს 5 დღეში უზრუნველყოს დასაზღვევი პირის (პირების) სადაზღვევო პოლისის დამზადება და მიწოდება შემსყიდველის იურიდიულ მისამართზე.

- პირი დაზღვეულად ჩაითვლება მას შემდეგ, როდესაც მიმწოდებელი შემსყიდველისაგან მიიღებს წერილობით შეტყობინებას(მათ შორის ელ.ფოსტაზე) პირის დაზღვევის მოთხოვნის შესახებ.

- წერილობით შეტყობინებად ასევე ჩაითვლება შემსყიდველის მიერ გაგზავნილი ელექტრონული ფოსტა წინასწარ შეთანხმებულ მისამართზე.

6. დაზღვეულთა სიაში ცვლილებების შეტანის წესი

6.1. დაზღვეულ პირთა სიაში განსახორციელებელი ცვლილებების შესახებ დამზღვევმა/შემსყიდველმა მზღვეველს/მიმწოდებელს უნდა აცნობოს წერილობითი ფორმით (მათ შორის ელექტრონული ფოსტის დამზღვევი/შემსყიდველი ორგანიზაციის უფლებამოსილი პირის მიერ ხელმოწერილი, დასკანერებული წერილის მეშვეობით).

6.2. არსებული თანამშრომლები/ მათი ოჯახის წევრები, მათ შორის თანამშრომლების შვილები, რომელთაც 20 წელი შეუსრულდათ ხელშეკრულების გაფორმებამდე, ეზღვევიან წინამდებარე ხელშეკრულების გაფორმებისთანავე.

6.3. ახლად მიღებული თანამშრომლებისა და დაზღვეულის ახლად შეძენილი ოჯახის წევრების დაზღვევა განხორციელდება მთელი სადაზღვევო პერიოდის განმავლობაში, შემდეგი სქემის მიხედვით:

- საანგარიშო თვის 25 რიცხვამდე დამზღვევის/შემსყიდველის მიერ მოწოდებული ინფორმაციის საფუძველზე ახლადმიღებული თანამშრომლის/მისი ოჯახის წევრების ან/და დაზღვეულის ახლად შეძენილი ოჯახის წევრების დაზღვევა განხორციელდება ინფორმაციის მოწოდების დღის 24:00 საათზე;
- საანგარიშო თვის 25 რიცხვის შემდეგ დამზღვევის მიერ მოწოდებული ინფორმაციის საფუძველზე ახლადმიღებული თანამშრომლის/მისი ოჯახის წევრების ან/და დაზღვეულის ახლად შეძენილი ოჯახის წევრების დაზღვევა განხორციელდება მომდევნო საანგარიშო თვის პირველი რიცხვიდან.

6.4. დაზღვეულთა სიიდან დაზღვეულთა ამოკლება შესაძლებელია:

- მხოლოდ იმ შემთხვევაში, თუ აღნიშნულ დაზღვეულსა და დამზღვევს/შემსყიდველს შორის შეწყდა არსებული შრომითი ურთიერთობა;
- დაზღვეულის გარდაცვალების შემთხვევაში;

6.5. თანამშრომლებს, რომლებიც დატოვებენ საგამოძიებო სამსახურის რიგებს, აღნიშნული სადაზღვევო მომსახურება შეუწყდებათ მომდევნო სადაზღვევო თვის პირველი რიცხვიდან, ხოლო თანამშრომლის გარდაცვალების შემთხვევაში, ინფორმაციის მოწოდებიდან მეორე დღეს.

6.6. წინამდებარე ხელშეკრულების 6.2, 6.3. და 6.4. პუნქტ(ებ)ით გათვალისწინებულ შემთხვევაში, განსახორციელებელი ცვლილებების შესახებ მზღვეველს/მიმწოდებელს უნდა ეცნობოს ოფიციალურად, წერილობითი ფორმით, რის შემდეგაც დაზღვეულთა სიაში ავტომატური წესით განხორციელდება შესაბამისი სახის ცვლილებები მხარეთა შორის დამატებითი წერილობითი სახის შეთანხმების გაფორმების გარეშე.

6.7. პირი დაზღვეულად ჩაითვლება, ან დაზღვეულთა სიიდან ამოღებული იქნება მზღვეველს/მიმწოდებელსა და დამზღვევს/შემსყიდველს შორის წინამდებარე ხელშეკრულების 6.6. პუნქტში აღნიშნული შესაბამისი წესითა და შესაბამის ვადებში მიწოდებული ინფორმაციის საფუძველზე.

7. ხელშეკრულების შესრულების კონტროლი

7.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც მომსახურების გაწევის დროს, ისე ამ ხელშეკრულების მოქმედების პერიოდში.

7.2. ხელშეკრულების მიმდინარეობასა და შესრულებაზე კონტროლს განახორციელებს საგამოძიებო სამსახურის ადმინისტრაციის კადრების სამმართველოს უფროსი.

7.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება რომ მომსახურება არ შეესაბამება წინამდებარე ხელშეკრულებისა და მისი დანართის პირობებს, მიმწოდებელი ვალდებულია 3(სამი) დღის განმავლობაში გამოსწოროს დარღვევა ან თუ დარღვევის გამოსწორება შეუძლებელია და შემსყიდველს უკვე გადახდილი აქვს მომსახურების ღირებულება, დაუბრუნოს შემსყიდველს აღნიშნული მომსახურების ღირებულება.

7.4. თუ ამ მუხლის 7.3 პუნქტით გათვალისწინებული დარღვევის გამოსწორების ვადა სცილდება ამ ხელშეკრულების მოქმედების ვადას, მიმწოდებლის მიერ დარღვევის გამოსწორება, ხოლო დარღვევის გამოსწორების შეუძლებლობის შემთხვევაში, თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.

8. შესყიდვის ობიექტის მიღება-ჩაბარების წესი

8.1. მომსახურების მიღება დასტურდება მიღება-ჩაბარების აქტით. მიღება-ჩაბარების აქტი ფორმდება

წერილობითი ფორმით, მხარეთა უფლებამოსილი წარმომადგენლების ხელმოწერით.

8.2 თუ მიღება -ჩაბარების აქტი უნდა გაფორმდეს განსაზღვრულ დღეს და ეს დღე ემთხვევა არა სამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს, რაც არ ჩაითვლება ვადის გადაცილებად.

9. ანგარიშსწორება

9.1. მიმწოდებელთან ანგარიშსწორება ხორციელდება ლარებში.

9.2. შემსყიდველი იღებს ვალდებულებას, ანგარიშსწორება განახორციელოს ეტაპობრივად (თვეში ერთხელ), მიმწოდებელის მიერ ყოველი თვის 25 რიცხვში შემსყიდველისათვის წარდგენილი ინვოისის საფუძველზე. ინვოისში მიეთითება დამზღვევის/შემსყიდველის მიერ შესაბამის თვეში გადასახდელი სადაზღვევო პრემიის ოდენობა წინამდებარე ხელშეკრულების საფუძველზე დაზღვეულ პირთა ოდენობის გათვალისწინებით, ხოლო დამზღვევი/შემსყიდველი კი ინვოისის მიღებიდან და შესაბამისი მიღება - ჩაბარების აქტის გაფორმებიდან 10 სამუშაო დღის ვადაში უზრუნველყოფს შესაბამისი თვის სადაზღვევო პრემიის მზღვეველისათვის/მიმწოდებლისათვის გადახდას.

9.3. ანგარიშსწორება განხორციელდება ფაქტიურად დაზღვეული თანამშრომლების ოდენობის მიხედვით.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა (მათ შორის წინასწარ შეთანხმებულ ელ.ფოსტაზე) მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.

11. ხელშეკრულების პირობების შეუსრულებლობა

11.1 წინამდებარე ხელშეკრულების მე-2 მუხლის 2.3. პუნქტის „ბ“ ქვეპუნქტით გათვალისწინებული დანართი №2-ით განსაზღვრული მომსახურების გაწევის ვადების გადაცილების შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.2 წინამდებარე ხელშეკრულების 7.3 პუნქტით გათვალისწინებული პირობების დარღვევის შემთხვევაში, მიმწოდებელს ეკისრება პირგასამტეხლო შესაბამისად ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.3 იმ შემთხვევაში, თუ მიმწოდებელზე ამ მუხლის 11.1 ან/და 11.2 პუნქტებით გათვალისწინებული დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 2(ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.4 ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შეუსრულებელი მომსახურების ღირებულების 10%-ის ოდენობით.

11.5 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან, გარდა 11.4 პუნქტით გათვალისწინებული შემთხვევისა.

11.2 იმ შემთხვევაში, თუ მიმწოდებელზე ამ მუხლის 11.1 პუნქტით გათვალისწინებული დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2(ორი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.3 ხელშეკრულების ნაწილობრივ შესრულების შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და მიმწოდებელს დააკისროს პირგასამტეხლო შეუსრულებელი მომსახურების ღირებულების 10%-ის ოდენობით.

11.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან, გარდა 11.3 პუნქტით გათვალისწინებული შემთხვევისა.

12. ხელშეკრულებაში ცვლილებების შეტანა

12.1 ხელშეკრულებაში ცვლილების განხორციელება შესაძლებელია მხარეთა წერილობით გაფორმებული შეთანხმების საფუძველზე, გარდა წინამდებარე ხელშეკრულების მეექვსე პუნქტით გათვალისწინებული შემთხვევებისა.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. ხელშეკრულების შესრულების გარანტია

13.1 ხელშეკრულების შესრულების უზრუნველყოფის მიზნით, მიმწოდებლის მიერ წარმოდგენილი ხელშეკრულების ღირებულების 2 %-იანი საბანკო გარანტია გამოიყენება ნებისმიერი ზარალის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არასრული შესრულების გამო.

13.2 იმ შემთხვევაში, თუ მიმწოდებელი უზრუნველყოფს ხელშეკრულებით ნაკისრი ვალდებულებების სრულად შესრულებას ან ხელშეკრულების მოქმედება შეწყდება მიმწოდებლისაგან დამოუკიდებელი მიზეზებით, შემსყიდველი ორგანიზაცია ვალდებულია უზრუნველყოს გარანტიის დაუყოვნებლივ დაბრუნება.

13.3 ხელშეკრულების შესრულების უზრუნველყოფის საბანკო გარანტიის მოქმედების ვადა 30 დღით უნდა აღემატებოდეს მომსახურების გაწევის ვადას.

14. სადაო საკითხების გადაწყვეტა

14.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

14.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

15. ხელშეკრულების შეწყვეტა

15.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში.

15.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

15.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

16. ხელშეკრულების ვადა

ხელშეკრულება ძალაში შედის 2017 წლის 1 იანვარს 00:00 საათიდან და მოქმედებს 2018 წლის 31 იანვრის 24:00 საათის ჩათვლით.

17. ფორს-მაჟორი

17.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

17.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

17.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

18. სხვა პირობები

18.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

18.2 ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.


19. მხარეთა რეკვიზიტები

„მიმწოდებელი“

ს.ს. „პსპ დაზღვევა“
ქ.თბილისი, დავით აღმაშენებლის 148/3
ს/კ: 204545572
ტელ.: 8(32) 2 18 5555/5333
ბანკი: ს.ს. „ბანკი რესპუბლიკა“
ა/ა: GE19BR0000010903216983

დირექტორი:

ვლადიმერ ბეჟინიძე



„შემსყიდველი“

საქართველოს ფინანსთა სამინისტროს
საგამოძიებო სამსახური ს/კ 205204508
ქ.თბილისი, უნივერსიტეტის ქ. N 2 ა
სახელმწიფო ხაზინა, კოდი N 220101222

საგამოძიებო სამსახურის უფროსის მოადგილე

მიხეილ ახვლედიანი



ინფორმაცია გასაწევი მომსახურების ჩამონათვალის შესახებ

ა) ასისტანსი 24 საათიანი საინფორმაციო-საკონსულტაციო მომსახურება:

- სადღეღამისო სატელეფონო-საინფორმაციო მომსახურება;
- საორგანიზაციო კონსულტაციები ჯანმრთელობის მდგომარეობასთან დაკავშირებული ნებისმიერი სახის ან პრობლემის წარმოქმნისას;
- სამედიცინო მომსახურების ორგანიზება და კოორდინირება, რომელიც მოიცავს ჰოსპიტალური და ამბულატორიული მკურნალობის საჭიროების შემთხვევაში, როგორც მკურნალობის პროცესზე და ხარისხზე, ასევე სამედიცინო და ფინანსურ დოკუმენტაციაზე ზედამხედველობის უზრუნველყოფას;
- ოჯახის ექიმთან ვიზიტი;

ბ) ოჯახის(პირადი) ექიმის მომსახურება:

- პირადი ექიმის კონსულტაციები და შესაბამისი დანიშნულების გაცემა;
- საჭიროების შემთხვევაში ექიმის ვიზიტი ბინაზე;
- საჭიროების შემთხვევაში ოჯახის ექიმის თანხლება სამედიცინო გამოკვლევებისა და მკურნალობის ყველა ეტაპზე;
- დაზღვეულის ჯანმრთელობის მდგომარეობის მონიტორინგი და დაზღვეულის ავადმყოფობის ისტორიის შექმნა;
- საჭიროების შემთხვევაში დამატებითი სპეციალისტების მოწვევა და კონსილიუმის ორგანიზება;
- სამედიცინო რეკომენდაციები ცხოვრების ჯანსაღი წესის დამკვიდრებისათვის;
- ჩასატარებელი გამოკვლევების, მკურნალობისა და მიზანშეწონილობის კონტროლს;
- სამედიცინო ჩვენების შემთხვევაში შემდგომი გამოკვლევების, დამატებით კონსულტაციებთან ვიზიტის და მკურნალობის ორგანიზებას;

გ) პროფილაქტიკური გამოკვლევები:

- სისხლის სერთო ანალიზი;
- შარდის საერთო ანალიზი;
- პროთრომბინის განსაზღვრა სისხლში;
- რენდგენოგრაფია;
- ეკგ (ელექტროკარდიოგრამა).

დ) სასწრაფო სამედიცინო დახმარება:

- სასწრაფო სამედიცინო დახმარების ორგანიზება და ხარჯების ანაზღაურება, რომელიც არ არის გათვალისწინებული სახელმწიფო პროგრამით;

ე) ჰოსპიტალური მომსახურება(თავისუფალი არჩევნის პრინციპით):

- უბედური შემთხვევის შედეგად საჭირო სტაციონარული მომსახურება ითვალისწინებს სადაზღვევო პერიოდის განმავლობაში მომხდარი უბედური შემთხვევით გამოწვეული დაზღვეულის ჯანმრთელობის მდგომარეობის გაუარესებასთან დაკავშირებულ სამედიცინო ღონისძიებათა ერთობლიობას, რომლის გადავადების პირობებში გარდაუვალია დაზღვეულის სიკვდილი, დაინვალიდება ან ჯანმრთელობის მდგომარეობის მნიშვნელოვანი გაუარესება და რომლის დროსაც დაზღვეულის სტაციონარში განთავსება აუცილებელია 24 საათზე მეტი ხნით.
- ურგენტული/გადაუდებელი სტაციონარული მომსახურება ითვალისწინებს სადაზღვევო პერიოდის განმავლობაში დაზღვეულის ჯანმრთელობის მდგომარეობის გაუარესებასთან დაკავშირებული სამედიცინო ღონისძიებების ერთობლიობას, რომლის გადავადების პირობებში გარდაუვალია დაზღვეულის სიკვდილი, დაინვალიდება ან ჯანმრთელობის მდგომარეობის მნიშვნელოვანი გაუარესება და რომლის დროსაც დაზღვეულის სტაციონარში განთავსება აუცილებელია 24 საათზე მეტი ხნით.
- გეგმიური სტაციონარული მომსახურება მოიცავს, ლიცენზირებულ სამედიცინო დაწესებულებაში (საავადმყოფოში) 24 საათზე მეტი ხნით დაზღვეულის განთავსებისას და შესაბამისი სამედიცინო ჩვენებიდან გამომდინარე სამკურნალო-დიაგნოსტიკური, ლაბორატორიული და ინსტრუმენტული გამოკვლევების/მკურნალობის გარანტირებული მოცულობის უზრუნველყოფას. მათ შორის სათანადო ქირურგიული და კონსერვატიული მკურნალობის, მოვლის და პატრონაჟის, სამედიცინო მანიპულაციების, დანიშნული მედიკამენტების და ყველა სხვა აუცილებელი ღონისძიებების ხარჯების ანაზღაურებას; მომსახურება შეიცავს კრიტიკული დაავადებების მკურნალობის ხარჯებსაც. მათ შორის გულ-სისხლძარღვთა სისტემის დაავადებების მკურნალობას, ძლიერი დამწვრობის მკურნალობას, მკურნალობას მხედველობისა და სმენის სრული დაქვეითებისას, კომატოზური მდგომარეობის მკურნალობას, თავის ტვინის სიმსივნეების მკურნალობას, ონკოლოგიური დაავადებების ქირურგიულ და თერაპიულ მკურნალობას, მიოკარდიუმის ინფარქტის დიაგნოზირება და მკურნალობა, იშემიური და ჰემორაგიული ინსულტების მკურნალობას, პარკინსონის დაავადების მკურნალობას.

ვ) ამბულატორიული მომსახურება:

- ლიცენზირებული სამედიცინო დაწესებულებების სამედიცინო მომსახურება საქართველოს მთელს ტერიტორიაზე თავისუფალი არჩევანის პრინციპის დაცვით, რომელიც მოიცავს, როგორც გეგმიური, ასევე გადაუდებელი ამბულატორიული მომსახურების შემთხვევაში სხვადასხვა პროფილის ექიმ-სპეციალისტების კონსულტაციებს, სამედიცინო მანიპულაციებს

და კლინიკო-ლაბორატორიული და ინსტრუმენტული გამოკვლევების ხარჯებს და რომელსაც არ ესაჭიროება სტაციონარში დაყოვნება 24 სთ და მეტი.

ზ) მედიკამენტების ანაზღაურება:

- ექიმის მიერ დანიშნული მედიკამენტების ხარჯების ანაზღაურება, რომლის შეძენა შესაძლებელია კონტრაქტორი სამედიცინო ფირმების ან/და ნებისმიერ ლიცენზირებულ აფთიაქში საქართველოს ტერიტორიაზე.

თ) გადაუდებელი სტომატოლოგია:

- კბილის მწვავე ტკივილის მოხსნა და ექსტრაქცია (კბილის ამოღება) თავისუფალი არჩევანის პრინციპის დაცვით, საქართველოს ტერიტორიაზე.

ი) გეგმიური სტომატოლოგიური მომსახურება:

- დიაგნოსტიკა, თერაპიული და ქირურგიული მკურნალობა თავისუფალი არჩევანის პრინციპის დაცვით, საქართველოს ტერიტორიაზე.

კ) ვაქცინაცია, იმუნიზაცია.

ლ) ორსულობა/მშობიარობა:

- საქართველოს ტერიტორიაზე თავისუფალი არჩევანის პრინციპის დაცვით ლიცენზირებული სამედიცინო დაწესებულებების (სამშობიარო სახლი) ნებისმიერი ლაბორატორიულ-ინსტრუმენტული კვლევები, გინეკოლოგიის კონსულტაციები, მედიკამენტოზური მკურნალობა და მშობიარობის ხარჯები (ფიზიოლოგიური მშობიარობა და საკეისრო კვეთა).
- ორსულობასთან დაკავშირებული მედიკამენტების ხარჯები.

მ) უბედური შემთხვევისაგან დაზღვევა და გარდაცვალება:

- დაზღვეულის უბედური შემთხვევით ან ნებისმიერი ბუნებრივი მიზეზით გამოწვეული გარდაცვალების შემთხვევაში დაზღვეულის მიერ წინასწარ განსაზღვრულ პირზე ან კანონიერ მემკვიდრეზე სადაზღვევო პოლისით გათვალისწინებული თანხის გაცემას, მოცემული გამონაკლისების გათვალისწინებით.
- გარდაცვლილის მემკვიდრეები ვალდებული არიან წარუდგინონ მზღვეველს გარდაცვალების დამადასტურებელი შემდეგი დოკუმენტები :
 - ა) დაზღვეულის გარდაცვალების დამადასტურებელი ოფიციალური მოწმობა, რომელშიც მითითებული უნდა იყოს სიკვდილის უშუალო მიზეზი, გარდაცვალების თარიღი, ადგილი და დაზღვეულის ასაკი;
 - ბ) ავადმყოფობის ისტორიიდან, ამონაწერი ან მისი ასლი, ასეთის არსებობის შემთხვევაში;
 - გ) დაზღვეული პირის უბედური შემთხვევით გამოწვეული გარდაცვალების შემთხვევაში, შესაბამისი სამართალდამცავი ორგანოს მიერ შედგენილი აქტი; სასამართლო-სამედიცინო ექსპერტიზის დასკვნა;

დ) მემკვიდრის სამკვიდრო მოწმობა, რომელიც განსაზღვრავს მის წილს მამკვიდრებლის სამკვიდროში (თუ ასეთი პირი პირდაპირ არ არის წერილობითი ფორმით დაზღვეულის მიერ მოსარგებლედ მითითებული) და მემკვიდრის პირადობის დამადასტურებელი დოკუმენტი.

მზღვეველის მიერ ანაზღაურება გაიცემა ხსენებული დოკუმენტების მიღებიდან არაუგვიანეს 30 (ოცდაათი) კალენდარული დღისა.

ნ) სამოგზაურო დაზღვევა:

- დაზღვეულ პირთა საქართველოს ფარგლებს გარეთ სამოგზაურო დაზღვევის სტანდარტული პოლისი.

ო) ქრონიკული დაავადებების დაზღვევა:

- ნებისმიერი დაავადების ქრონიკული მიმდინარეობისთვის საჭირო ამბულატორიული გამოკვლევები და მედიკამენტოზური მკურნალობა უნდა ანაზღაურდეს შესაბამისი ლიმიტისა და თანაგადახდის ფარგლებში (გარდა იმ დაავადებებისა/შემთხვევებისა, რომლებიც ჩამოთვლილია გამონაკლისებში);

პ) საზღვარგარეთ მკურნალობა:

- დაზღვეულზე საზღვარგარეთ გაწეული მკურნალობის ხარჯები ანაზღაურდება საქართველოში მოქმედ ლიცენზირებულ სამედიცინო დაწესებულებებში არსებული საშუალო ფასის შესაბამისად.
- საქართველოში სათანადო მატერიალურ-ტექნიკური პირობების არარსებობის შემთხვევაში დაზღვეულზე საზღვარგარეთ გაწეული ხელშეკრულებით გათვალისწინებული მომსახურება ანაზღაურდება სრულად, ლიმიტის ფარგლებში;

„მიმწოდებელი“

ს.ს. „პსპ დაზღვევა“
ქ.თბილისი, დავით აღმაშენებლის 148/3
ს/კ : 204545572
ტელ.: 8(32) 2 18 5555/5333
ბანკი: ს.ს. „ბანკი რესპუბლიკა“
ა/ა: GE19BR0000010903216988

დირექტორი:

ვლადიმერ ბეჟინაძე



„შემსყიდველი“

საქართველოს ფინანსთა სამინისტროს
საგამოძიებო სამსახური ს/კ 205204508
ქ.თბილისი, უნივერსიტეტის ქ. N 2
სახელმწიფო ხაზინა, კოდი N 220101222

საგამოძიებო სამსახურის უფროსის მოადგილე

მიხეილ ახვლედიანი



ინფორმაცია აუცილებელი პირობების შესახებ

1. ოჯახის ქვეშ იგულისხმება მეუღლე და 0-20 წლამდე შვილ(ებ)ი,გერ(ებ)ი, რაოდენობის შეუზღუდავად.
2. თავისუფალი არჩევანი - დაზღვეულის საკუთარი შეხედულებისამებრ საქართველოს ნებისმიერ ლიცენზირებულ სამედიცინო დაწესებულების ან/და ნებისმიერი ლიცენზირებული ექიმისაგან მიღებული მომსახურებისათვის გადახდილი საფასურის ასანაზღაურებლად დაზღვეული დამზღვევს მიმართავს თანხის გადახდიდან 30 კალენდარული დღის განმავლობაში, ანაზღაურება უნდა განხორციელდეს სრულყოფილი დოკუმენტაციის წარდგენიდან არაუგვიანეს 5 სამუშაო დღის განმავლობაში. თბილისში 500 ლარამდე სადაზღვევო ანაზღაურება უნდა განხორციელდეს ნაღდი ანგარიშსწორებით შესაბამისი საბუთების წარდგენიდან არაუგვიანეს მე-2 სამუშაო დღისა
3. თანამშრომელთა დაზღვევა უნდა განხორციელდეს საქართველოს მთელს ტერიტორიაზე.
4. თანამშრომლებს, რომლებიც დატოვებენ საგამოძიებო სამსახურის რიგებს, აღნიშნული სადაზღვევო მომსახურება შეუწყდებათ მომდევნო სადაზღვევო თვის პირველი რიცხვიდან, ხოლო ახლად მიღებულ თანამშრომლებზე,მზღვეველისთვის,ინფორმაციის მიწოდების დღის 24:00 საათიდან , ავტომატურად გავრცელდება ხსენებული სადაზღვევო მომსახურება.
5. ლიმიტები ეხება ოჯახის თითოეულ წევრს ცალ-ცალკე, დაზღვეულის მიერ გადახდილი თანაგადახდა წარმოდგენილ ლიმიტებში არ გაითვალისწინება.
6. ტექნიკურ დავალებებში მოცემული მომსახურება გაწეული უნდა იქნას საქართველოში მოქმედ ლიცენზირებულ სამედიცინო დაწესებულებების მიერ დაზღვეულის სურვილისამებრ.
7. წინასწარი შეტყობინების გარეშე სამედიცინო მომსახურების მიღება დაზღვეულს უნდა შეეძლოს, როგორც პირადი ექიმის მიერ გამოწერილი მიმართვის წარდგენის და კუთვნილი თანაგადახდის წილის ანაზღაურების, ასევე დაზღვეულის საკუთარი შეხედულებისამებრ საქართველოს ნებისმიერ ლიცენზირებულ სამედიცინო დაწესებულების მომსახურების მიღების და გადახდილი საფასურის დაზღვევის პირობებით განსაზღვრული წილის სადაზღვევო კომპანიის მიერ ანაზღაურების გზით (თანხა არ ექვემდებარება დაკორექტირებას პროვაიდერების ფასებით).
8. სამთო-სათხილამურო სპორტის (სამოყვარულო დონეზე) დროს მიღებული ტრამვები ან დაზიანება,არ განეკუთვნება გამონაკლისების ნუსხას.
9. გეგმიური ჰოსპიტალიზაციის ლიმიტის ფარგლებში უნდა ანაზღაურდეს ნებისმიერი გეგმიური ტიპის ჰოსპიტალური მომსახურება (პირობების შესაბამისად) ყოველგვარი ქველიმიტისა და შეზღუდვის გარეშე.
10. მზღვეველის მიერ სადაზღვევო ანაზღაურებაზე უარის თქმის შემთხვევაში გადაწყვეტილება არაუგვიანეს 5 სამუშაო დღეში დაზღვეულს უნდა ეცნობოს წერილობით სადაც განემარტება უარის თქმის მიზეზი.
11. თანამშრომელის შვილს(გერს), რომელსაც სადაზღვევო პაკეტში მითითებული ზღვრული ასაკი შეუსრულდება ხელშეკრულების გაფორმების შემდგომ სადაზღვევო მომსახურება

უნარჩუნდება საბიუჯეტო წლის განმავლობაში.

12. თანამშრომლის სურვილის შემთხვევაში ეზღვევა მისი შვილი/შვილები და გერი/გერები, რომელთაც 20 წელი შეუსრულდათ ხელშეკრულების გაფორმებამდე და მისი ღირებულება ერთ ადამიანზე შეადგენს პაკეტის ღირებულების არაუმეტეს ერთმაგ ოდენობას, რომლის საფასურს დამზღვევის წერილობითი შეტყობინების საფუძველზე იხდის თვით დაზღვეული თანამშრომელი.
13. გაუმჯობესებული პაკეტის ღირებულება შეადგენს სტანდარტული პაკეტის ღირებულების არაუმეტეს ორმაგ ოდენობას და შეიცავს სტანდარტული პაკეტის ღირებულებასაც, მათ შორის სხვაობის თანხას იხდის დაზღვეული. გაუმჯობესებული პაკეტის შეძენა ხდება დამზღვევის წერილობითი შეტყობინების საფუძველზე, ყოველი სადაზღვევო პერიოდის დაწყებიდან პირველი ორი თვის განმავლობაში.
14. პრეტენდენტს უნდა გააჩნდეს არანაკლებ 200 სამედიცინო პროვაიდერი კლინიკა ქვეყნის მასშტაბით, აქედან - არანაკლებ 40 თბილისში; 200 პროვაიდერი კლინიკა, არ მოიცავს მე-15 ქვეპუნქტში მოთხოვნილ 35 სტომატოლოგიურ კლინიკას.
15. პრეტენდენტს უნდა გააჩნდეს არანაკლებ 35 სტომატოლოგიური პროვაიდერი კლინიკა ქვეყნის მასშტაბით, აქედან არანაკლებ 20 თბილისში;
16. პრეტენდენტს უნდა გააჩნდეს არანაკლებ 3 ფარმაცევტული პროვაიდერი დაწესებულება ქვეყნის მასშტაბით;
17. პრეტენდენტს პროვაიდერი კლინიკები (ასევე სტომატოლოგიური კლინიკები და ფარმაცევტული დაწესებულებები) უნდა გააჩნდეს საქართველოს მთელ ტერიტორიაზე მათ შორის: თელავი, რუსთავი, მცხეთა, გორი, ქუთაისი, ბათუმი, ზუგდიდი, ფოთი და ახალციხე.
18. პრეტენდენტს მინიმუმ 20 რაიონულ ცენტრში უნდა ჰყავდეს მინიმუმ ერთი ოჯახის ექიმი (თითოეულ რაიონში).
19. ტენდერში დაფიქსირებული ფასი არ ექვემდებარება გადახედვას (ცვლილებას) ხელშეკრულების მოქმედების პერიოდში, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ჯამური ღირებულების 10 %-ზე მეტი ოდენობით გაზრდა.
20. პრეტენდენტმა უნდა უზრუნველყოს ფინანსთა სამინისტროს საგამომიებო სამსახურის ადმინისტრაციულ შენობაში (მის: ქ. თბილისი, უნივერსიტეტის ქუჩა N2) მინიმუმ ერთი ოჯახის ექიმის განთავსება, რომელიც მოემსახურება დაზღვეულ პირებს (სამუშაო დღეების განმავლობაში 10.00- 18.00 საათამდე, შაბათს 11.00- 14.00 საათამდე)

21. დაუშვებელია ზემოთჩამოთვლილი გამონაკლისების ფორმულირების შეცვლა ან სხვაგვარი ინტერპრეტაცია.

„მიმწოდებელი“

ს.ს. „პსპ დაზღვევა“
ქ.თბილისი, დავით აღმაშენებლის 148/3
ს/კ : 204545572
ტელ.: 8(32) 2 18 5555/5333
ბანკი: ს.ს. „ბანკი რესპუბლიკა“
ა/ა: GE19BR0000010903216983

დირექტორი:

ვლადიმერ ბეჭაშვილი



„შემსყიდველი“

საქართველოს ფინანსთა სამინისტროს
საგამომიებო სამსახური ს/კ 205204508
ქ.თბილისი, უნივერსიტეტის ქ. N 2^ა
სახელმწიფო ხაზინა, კოდი N 220101222

საგამომიებო სამსახურის უფროსის მოადგილე

მიხეილ ხვლედიანი



ინფორმაცია ლიმიტების შესახებ (სტანდარტული პაკეტი)

მომსახურების სახეები	თანაგადახდა	წლიური ლიმიტი
24 საათიანი საინფორმაციო საკონსულტაციო მომსახურება)	100%	ულიმიტო
ოჯახის (პირადი) ექიმის მომსახურება, ოჯახის ექიმის გამოძახება ბინაზე	100%	ულიმიტო
სასწრაფო სამედიცინო დახმარება	100%	ულიმიტო
პროფილაქტიკური შემოწმება თავისუფალი არჩევანი	100%	წელიწადში ორჯერ
უბედური შემთხვევის შედეგად გამოწვეული ჰოსპიტალური მომსახურება თავისუფალი არჩევანი	100%	12,000 ლარი
გადაუდებელი ჰოსპიტალური მომსახურება თავისუფალი არჩევანი	100%	12,000 ლარი
გეგმიური ჰოსპიტალური მომსახურება თავისუფალი არჩევანი	100%	12,000 ლარი
გადაუდებელი ამბულატორიული მომსახურება თავისუფალი არჩევანი	100%	ულიმიტო
გეგმიური ამბულატორიული მომსახურება(ვაქცინაცია, იმუნიზაცია) თავისუფალი არჩევანი	85%	2,000 ლარი
ქრონიკულად მიმდინარე დაავადებების ამბულატორიული მომსახურება თავისუფალი არჩევანი		
მედიკამენტების ანაზღაურება თავისუფალი არჩევანი	85%	2,000 ლარი
ქრონიკულად მიმდინარე დაავადებების მედიკამენტები თავისუფალი არჩევანი		
გადაუდებელი სტომატოლოგიური მომსახურება თავისუფალი არჩევანი	100%	ულიმიტო
გეგმიური სტომატოლოგიური მომსახურება თავისუფალი არჩევანი	85%	1,200 ლარი
ორსულობა/მშობიარობა თავისუფალი არჩევანი	100%	1,200 ლარი
ორთოდონტია/ორთოპედია(პროვაიდერ კლინიკებში)	10%-20% ფასდაკლება	ულიმიტო
პლასტიკურ/რეკონსტრუქციული ქირურგია(პროვაიდერ კლინიკებში)	10%-20% ფასდაკლება	ულიმიტო
სამკურნალო და რელაქსაციური მასაჟი(პროვაიდერ კლინიკებში)	20%-25% ფასდაკლება	ულიმიტო
მანუალური თერაპია/ფიზიოთერაპია(პროვაიდერ კლინიკებში)	20%-25% ფასდაკლება	ულიმიტო
ბალნეოლოგიური მომსახურება(პროვაიდერ დაწესებულებებში)	20%-25% ფასდაკლება	ულიმიტო
გარდაცვალება უბედური შემთხვევის შედეგად	15,000 ლარი	
გარდაცვალება	15,000 ლარი	
სამოგზაურო დაზღვევა	მულტიპოლისის (ლიმიტი 50 000 ევრო)	
ყოველთვიური შესატანი როგორც ერთ დაზღვეულზე ასევე ერთ ოჯახზე	-104--- ლარი	

გაუმჯობესებული პაკეტი

მომსახურების სახეები	თანაგადახდა	წლიური ლიმიტი
24 საათიანი საინფორმაციო საკონსულტაციო მომსახურება)	100%	ულიმიტო
ოჯახის (პირადი) ექიმის მომსახურება, ოჯახის ექიმის გამოძახება ბინაზე	100%	ულიმიტო
სასწრაფო სამედიცინო დახმარება	100%	ულიმიტო
პროფილაქტიკური შემოწმება თავისუფალი არჩევანი	100%	წელიწადში ორჯერ
უბედური შემთხვევის შედეგად გამწვეული ჰოსპიტალური მომსახურება თავისუფალი არჩევანი	100%	15,000 ლარი
გადაუდებელი ჰოსპიტალური მომსახურება თავისუფალი არჩევანი	100%	15,000 ლარი
გეგმიური ჰოსპიტალური მომსახურება თავისუფალი არჩევანი	100%	15,000 ლარი
გადაუდებელი ამბულატორიული მომსახურება თავისუფალი არჩევანი	100%	ულიმიტო
გეგმიური ამბულატორიული მომსახურება(ვაქცინაცია,იმუნოზაცია) თავისუფალი არჩევანი	100%	2,500 ლარი
ქრონიკულად მიმდინარე დაავადებების ამბულატორიული მომსახურება თავისუფალი არჩევანი		
მედიკამენტების ანაზღაურება თავისუფალი არჩევანი	100%	2,500 ლარი
ქრონიკულად მიმდინარე დაავადებების მედიკამენტები თავისუფალი არჩევანი		
გადაუდებელი სტომატოლოგიური მომსახურება თავისუფალი არჩევანი	100%	ულიმიტო
გეგმიური სტომატოლოგიური მომსახურება თავისუფალი არჩევანი	100%	1,500 ლარი
ორსულობა/მშობიარობა თავისუფალი არჩევანი	100%	1,500 ლარი
ორთოდონტია/ორთოპედია(პროვაიდერ კლინიკებში)	10%-20% ფასდაკლება	ულიმიტო
პლასტიკურ/რეკონსტრუქციული ქირურგია(პროვაიდერ კლინიკებში)	10%-20% ფასდაკლება	ულიმიტო
სამკურნალო და რელაქსაციური მასაჟი(პროვაიდერ კლინიკებში)	20%-25% ფასდაკლება	ულიმიტო
მანუალური თერაპია/ფიზიოთერაპია(პროვაიდერ კლინიკებში)	20%-25% ფასდაკლება	ულიმიტო
ბალნეოლოგიური მომსახურება(პროვაიდერ დაწესებულებებში)	20%-25% ფასდაკლება	ულიმიტო
გარდაცვალება უბედური შემთხვევის შედეგად	15,000 ლარი	
გარდაცვალება	15,000 ლარი	
სამოგზაურო დაზღვევა	მულტიპოლისი (ლიმიტი 50 000 ევრო)	
ყოველთვიური შესატანი როგორც ერთ დაზღვეულზე ასევე ერთ ოჯახზე	--208-- ლარი	

ანაზღაურებას არ ექვემდებარება (გამონაკლისები):

1. საქართველოს კანონმდებლობით არარეგისტრირებული მედიკამენტების, ბიოლოგიურად აქტიურ ან/და კვებითი დანამატების, პირადი ჰიგიენის ან/და მოვლის საშუალებების ხარჯები;
2. არასამედიცინო ჩვენებით განპირობებული და ნებისმიერი დამატებითი მომსახურებების; ნებისმიერი სახის სამედიცინო ცნობის მიღებასთან დაკავშირებულ ხარჯები (გარდა საავადმყოფო ფურცლისა, რომელიც გაიცემა სადაზღვევო კომპანიის მიერ მითითებულ სამედიცინო დაწესებულებაში);
3. სარეაბილიტაციო მკურნალობის, მასაჟის, ფსიქიური დაავადებების, ფსიქოთერაპევტის, ფსიქოლოგის და ლოგოპედის ხარჯები; (გარდა ენდოპროთეზირების შემდგომი სარეაბილიტაციო მკურნალობის 3 ვიზიტი)
4. იმ შემთხვევებით გამოწვეული დაავადებების ხარჯების ანაზღაურება, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით; თვითმკურნალობასთან დაკავშირებული ხარჯები;
5. არატრადიციულ მედიცინის (აკუპუნქტურა, ჰომეოპათია, მანუალური თერაპია, სუჯოკთერაპია და ა.შ.) ხარჯები;
6. ალკოჰოლიზმთან, ნარკომანიასა და ტოქსიკომანიასთან დაკავშირებულ ხარჯები;
7. დაზღვეული პირის მიერ ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული სამედიცინო მომსახურების ხარჯები;
8. კბილების პროთეზირებისთვის მზადების, ორთოპედიისა და ორთოდონტიული მომსახურების ხარჯები; ეგზოპროთეზების და მაკორეგირებელი დანიშნულების სამედიცინო მოწყობილობების, ორგანოთა ტრანსპლანტაციასთან დაკავშირებულ ხარჯები ნებისმიერი სამედიცინო ჩარევის დროს; სათვალეების, ლინზებისა და სმენის აპარატების შეძენასთან დაკავშირებული ხარჯები;
9. ქრონიკული და ვირუსული ჰეპატიტ(ებ)ის (გარდა “A” ტიპის ჰეპატიტისა), თირკმლის ქრონიკული უკმარისობის და მათი გართულებების სამედიცინო მომსახურების ხარჯები, ურგენტული (გადაუდებელი) მდგომარეობების გარდა;
10. პროფესიულ და სარისკო სპორტის სახეობებში მონაწილეობით გამოწვეული დაავადებებთან დაკავშირებული ხარჯები;
11. თანდაყოლილ და გენეტიკურ დაავადებების, კოსმეტიკურ მკურნალობის, პლასტიკური ქირურგიის, სიმსუქნის, ჭარბი წონის, მათი გართულებების სამედიცინო მომსახურების ხარჯები, წონის კორექციის ხარჯი;
12. უნაყოფობას, იმპოტენციის დიაგნოსტიკის, არასამედიცინო ჩვენებით აბორტის; კონტრაცეფციის, ხელოვნური განაყოფიერების, რეპროდუქტოლოგიის ხარჯები;
13. უპირატესად სქესობრივი გზით გადამდებ დაავადებებთან (როგორიცაა (დაავადებებთან და ჯანმრთელობასთან დაკავშირებული პრობლემების მეათე გადასინჯვის საერთაშორისო სტატისტიკური კლასიფიკაცია ICD-10-ის მიხედვით): ათაშანგი, გონოკონური ინფექცია, შანკროიდი (რბილი შანკრი) და საზარდულის ლიმფოგრანულომა(დონოვანოზი) და შიდსთან დაკავშირებულ სამედიცინო მომსახურების ხარჯები;

14. სამედიცინო მომსახურების ხარჯები, რომელიც საჭირო გახდა დაზღვეულის ომში, აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად; აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯები.

„მიმწოდებელი“

ს.ს. „პსპ დაზღვევა“
ქ.თბილისი, დავით აღმაშენებლის 148/3
ს/კ : 204545572
ტელ.: 8(32) 2 18 5555/5333
ბანკი: ს.ს. „ბანკი რესპუბლიკა“
ა/ა: GE19BR0000010903216983

დირექტორი:

ვლადიმერ ბუგაშვილი




„შემსყიდველი“

საქართველოს ფინანსთა სამინისტროს
საგამოძიებო სამსახური ს/კ 205204508
ქ.თბილისი, უნივერსიტეტის ქ. N 2^ა
სახელმწიფო ხაზინა, კოდი N 220101222

საგამოძიებო სამსახურის უფროსის მოადგილე

მიხეილ ახვლედიანი



დანართი N 3

ფასების
ცხრილი


თანამშრომელთა რიცხოვნება	ფასი ერთ დაზღვეულზე (ოჯახზე) თვის განმავლობაში	ერთი ადამიანის(ოჯახის) დაზღვევის ღირებულება ხელშეკრულების მოქმედების პერიოდში
610	104(ლარი)	1248(ლარი)

„მიმწოდებელი“

ს.ს. „პსპ დაზღვევა“
ქ.თბილისი, დავით აღმაშენებლის 148/3
ს/კ : 204545572
ტელ.: 8(32) 2 18 5555/5333
ბანკი: ს.ს. „ბანკი რესპუბლიკა“
ა/ა: GE19BR0000010903216983

დირექტორი:

ვლადიმერ ბეჭაშვილი




„შემსყიდველი“

საქართველოს ფინანსთა სამინისტროს
საგამოძიებო სამსახური ს/კ 205204508
ქ.თბილისი, უნივერსიტეტის ქ. N 2^ა
სახელმწიფო ხაზინა, კოდი N 220101222

საგამოძიებო სამსახურის უფროსის მოადგილე

მიხეილ ახვლედიანი





ხელშეკრულების შესრულების საგარანტიო უზრუნველყოფა # 707323/09/კბ

ბენეფიციარი: საქართველოს ფინანსთა სამინისტროს საგამოძიებო სამსახური

მხედველობაში ვიღებთ რა, რომ სს “პსპ ღაზღვევა“-მ (ს/კ 204545572), (შემდგომში “პრინციპალი”), საქართველოს ფინანსთა სამინისტროს საგამოძიებო სამსახურის თანამშრომელთა და მათი ოჯახის წევრზე (წევრებზე) სამედიცინო სადაზღვევო მომსახურების სახელმწიფო შესყიდვის ელექტრონულ ტენდერში (SPA160027431) წარდგენილი თავისი სატენდერო წინადადების შესაბამისად კისრულობს ვალდებულებას წარმოადგინოს საბანკო გარანტია, მასზე დაკისრებული ვალდებულებების შესრულების გარანტიის სახით, გასაფორმებელ ხელშეკრულებაში (შემდგომში “ხელშეკრულება”) მითითებულ თანხაზე, ჩვენ სს “ბანკი რესპუბლიკა” (შემდგომში “გარანტი”) თანახმა ვართ გავცეთ პრინციპალის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე 15,225.60 (თხუთმეტი ათას ორას ოცდახუთი და 60/100) ლარის ოდენობით და ვკისრულობთ ზემოთ აღნიშნული თანხის გადახდას პრინციპალის მიერ ხელშეკრულების პირობების დარღვევის საფუძველზე თქვენი პირველივე წერილობითი მოთხოვნის მიღებიდან 5 (ხუთი) სამუშაო დღის ვადაში.

წინამდებარე გარანტია ძალაშია პრინციპალის მიერ — ხელშეკრულების პირობების შესრულების საბოლოოდ დამთავრებამდე, არაუგვიანეს 2018 წლის 05 მარტისა (შემდგომში “გარანტიის ვადა”). აღნიშნულიდან გამომდინარე, ბენეფიციარის მოთხოვნა გარანტიის მიერ მიღებული უნდა იყოს საბანკო გარანტიის ვადის გასვლამდე, შემდეგ მისამართზე: საქართველო, ქ. თბილისი, გრ. აბაშიძის ქ. №2. მოთხოვნა ანაზღაურებაზე წარმოდგენილი უნდა იქნეს სათანადოდ ხელმოწერილი და ბეჭდით დადასტურებული წერილობითი ფორმით, სადაც მითითებული იქნება მოთხოვნილი თანხა და ის გარემოება, რომლის გამოც მოხდება მოთხოვნის წარდგენა.

წინამდებარე გარანტიის თანხა და შესაბამისად ჩვენი ვალდებულება ბენეფიციარის წინაშე ავტომატურად შემცირდება ნებისმიერი თანხით, რომელიც გადახდილი იქნება ჩვენს მიერ თქვენი მოთხოვნის თანახმად.

საბანკო გარანტია ავტომატურად უქმდება:

- საბანკო გარანტიის ვადის გასვლით;
- ბენეფიციარისთვის საგარანტიო თანხის გადახდით;
- ბენეფიციარის მიერ გარანტიიდან გამომდინარე საკუთარ უფლებებზე წერილობით უარის თქმით და ამ გარანტიის დაბრუნებით.

წინამდებარე გარანტია რეგულირდება საქართველოს კანონმდებლობით.

გრიგოლ კაცია

კორპორაციული საბანკო მომსახურების უფროსი

